



Grindavík

Járngerður

Fréttabréf Grindavíkurbæjar

2.tbl. 3.árg. mars 2002

Meðal efnis

1000. fundur bæjarráðs Grindavíkur

Hver er sinnar gæfu smiður

Nýjar áherslur í upplýsinga- tækni

Fréttabréf Grindavíkurbæjar
Ritstjóri: Gunnlaugur Einarsson
Ábyrgðarmaður: Einar Njálsson



Eitt þúsundasti fundur bæjarráðs Grindavíkur

Bæjarráð Grindavíkur kom saman til fundar að morgni 6. mars sl. kl. 8.00, eins og venja ber til á miðvikudagsmorgni. Á fundum ráðsins er að öllu jöfnu farið yfir ýmis erindi sem berast og stefna mótuð um afgreiðslu þeirra. Að þessu sinni voru 17 mál á verkefnaskrá ráðsins.

Fundurinn í morgun var sá 1000. í röðinni. Á þessum tímamótum samþykkti bæjarráð samhljóða tillögu til bæjarstjórnar að Stefnuyfirlýsingu Bæjarstjórnar Grindavíkur: „Bæjarstjórn Grindavíkur stefnir að því að Grindavík verði fjölskylduvænn bær, sem byggi á sjávarútvegi, þjónustu við ferðamenn og möguleikum sem jarðhtinn skapar. Markmiðið er að Grindavík verði eftirsóttur bær til búsetu, bæði hvað snertir atvinnu-



möguleika menntun og þjónustu.“

Fyrir fundinum lá tillaga bæjarstjóra að Starfsmannastefnu og Fjölskyldustefnu Grindavíkurbæjar. Félagsmálaráð, skólanefnd og Íþróttat- og æskulýðsnefnd, trúnaðarmenn bæjarins og fleiri hafa fjallað um efni þeirra. Bæjarráð samþykkti hvoru tveggja og vísaði Starfsmannastefnu og Fjölskyldustefnu til staðfestingar bæjarstjórnar.

Meðal annarra mála sem tekin voru fyrir á fundinum má nefna beiðni um viðbótarstyrk til gerðar heimildarmyndar um Guðberg Bergsson. Samþykkt var að heildarstyrkur til myndarinnar verði 1.000.000.- króna, sem þýðir viðbót að fjárhæð kr. 300.000.-

Pá samþykkti bæjarráð samning á milli Sóknarnefndar og bæjarins um stækkun kirkjugarðsins á Stað, en hann kveður á um framlag bæjarins til stækkunarinnar að fjárhæð kr. 7.300.000.-

Pess má geta að bæjarráðsmenn fengu aldrei þessu vant tertusneið með kaffinu auk þess sem fundarmenn voru festir á filmu.

„Hver er sinnar gæfu smiður“, forvarnavika í Grindavík 21. – 25. janúar.

Verkefnið var undir stjórn Ágústu Gísladóttur forvorna- og tómstundafulltrúa í samstarfi við félagsmálastjóra, kennara og stjórnendur grunnskólans. Viðfangsefni vikunnar voru fjölbreytt og hefðbundin stundaskrá skólans brotin upp. Efsta stigið vann að gerð forvarnaspils um tóbak, áfengi og fíkniefni. Miðstigið einbeitti sér m.a. að cinelti, tóbaksvörnum og almennri hollustu

og yngsta stigið glímdi við málefni eins og umferð gangandi vegfarenda, slysavarnir, gerð umferðarfræðsluspils svo og matar- og svefnvenjur. Gestir komu í heimsókn og fræddu nemendur. Forvarnavikan tókst afar vel, undirbúningur og skipulag var til fyrirmynnar. Nemendur og starfsfólk skóla tók þátt í starfinu af lífi og sál, einnig mjög margir foreldrar. Sú orka sem þetta starf leysti úr laðingi hefur borist út í samfélagið hér í Grindavík og er það vel. Áfram Grindavík! Bæjarráð hefur lýst mikilli ánægu með framkvæmd vikunnar og flytur öllum aðstandendum verkefnisins bestu þakkir fyrir góð störf.

Pórunn þroskaþjálfí

Pórunn Svava Róbertsdóttir hóf störf sem þroskaþjálfí hjá skóla- og félagsþjónustu Grindavíkurbæjar í janúar sl. Hún er ekki ókunnug félagsþjónustunni, því fyrir nokkrum árum vann hún þar sem stuðningsfulltrúi undir leiðsögn Bjarnfríðar Jónsdóttur sem jók mjög áhuga hennar á málefnum fatlaðra. Pórunn fór í framhaldinu í nám og útskrifaðist „áður en hún vissi af“, eins og hún orðar það, frá Kennaraháskóla Íslands, þroskaþjálfaskori vorið 2000 eftir þriggja ára nám. Nú er hún í teymi ásamt Bjarnfríði, sem er sérkennsluráðgjafi, og Þurði Hjálmtýsdóttur sálfræðingi. Hlutverk teymisins er að meta þjónustuþörf fyrir börn með sérþarfir inni á leikskólunum tveimur í Grindavík. Pórunn fer inn á leikskólana í hverri viku og í samráði við starfsfólk sem vinnur að stuðningi barna með sérþarfir fylgist hún



„Grindavík ... góður bær“



Pórunn Svava Róbertsdóttir

með stöðu þeirra barna sem þurfa á stuðningi að halda. Í því skyni er m.a. stuðst við sérstakan „matslista“ sem Pórunn hefur þróað og miðar að því að greina styrk og stöðu barnsins við allar athafnir í leikskólastarsinu, en út frá þeirri greiningu eru sett markmið og þjálfunarleiðir sem koma fram í einstaklingsnámskrá hvers barns.

Sambýlismaður Pórunnar er Þórhallur Ágúst Benónýsson sjómaður og eiga þau tvö börn, Benóný sem er níu ára og Vigdís Maríu, eins árs.

Nýjar áherslur í upplýsingatækni

Markaðs- og ferðamálafulltrúi sagði starfi sínu lausu í janúar sl. og mun því hætta störfum í lok apríl. Bæjarstjóri hefur nú lagt fram tillögu til bæjarráðs um nýjar áherslur í

málaflokknum sem fela í sér að skipulagt verði átak á sviði upplýsingatækni og atvinnumála og að heimilt verði að ráða verkefnisstjóra til tveggja ára. Áhersluatriði verkefnisins verði:

- *Nýting upplýsingatækni í stjórnsýslu. Uppfærsla og markaðssetning á heimasíðu bæjarins. Umsjón með Járngerði. Alhliða auglýsinga og kynningarstarf og upplýsingamiðlun til ferðafolks.*
- *Saltfisksetur – Ný menningarstofnun – vinna með bæjarstjóra að fjármögnun, skipulagningu og undibúnungi að starfrækslu setursins.*
- *Náið og lifandi samstarf við Bláa lónið og Eldborg.*
- *Staðardagskrá 21 – undirbúningur og gerð framkvæmdaætlunar.*

Bæjarráð samþykkti tillöguna.



Guðbergur

Eins og fram kemur í umfjöllun um 1000. fund bæjarráðs, var samþykkt að styrkja gerð heimildarmyndar um Grindvíkinginn Guðberg Bergsson. Það er kvíkmyndafélagið Morgunn sem framleiðir myndina, sem verður sýnd í ríkissjónvarpinu í tveimur hlutum um Páskana –fyrri hlutinn að kvöldi Skírðags og så síðari að kvöldi Föstudagsins langa. Í myndinni er m.a. sjallað um uppruna og uppvöxt Guðbergs, ritstörf hans og aðra mikilvæga þætti í hans lífi.

Tveir frá Grindavík í leik gegn Brasilíu

Grindvíkingar eru vanir því að eiga leikmenn í íslenskum landsliðum í körfu-knattleik. Ólafur Örn Bjarnason og Grétar Hjartarson, leikmenn knattspyrnuliðs Grindavíkur voru í byrjunarlíði íslenska knattspyrnulandsliðsins í leik þess gegn Brasilíu sl. fimmtudag. Þetta var fyrsti leikur Grétars og tíundi leikur Ólafs með liðinu, en þeir félagar eru fyrstu A- landsliðsmenn Grindavíkur í þróttinni. Ef fram heldur sem horfir eru þeir hins vegar ekki þeir síðustu. Eins og kunnugt er, léku Brassarnir við hvern sinn fingur (eða hverja tá) í leiknum og sigruðu 6-1.

„Pekking stuðenta í þágu

þjóðar“ er samstarfsverkefni til eflingar rannsókna á landsbyggðinni. Bæjarstjórn Grindavíkur hefur samþykkt að gerast aðili að verkefninu, sem gengur út á að hvetja nemendur við Háskóla Íslands til þess að stunda rannsóknir sem tengjast Grindavík. Hugmyndir nemandu að verkefnum verða metnar af stjórn Rannsóknarsjóðs stuðenta og bæjarráði. Áhugaverðasta verkefnið verður styrkt með kr. 200.000- framlagi frá Grindavíkurbæ og kr. 300.000- til viðbótar frá Byggðastofnun.

Stúdentaráð Háskóla Íslands hélt kynningarfund nú nýlega þar sem fram kom að flest stærri sveitarfélög landsins hafa ákveðið að vera með í verkefninu.

Úrslitakeppnin að hefjast

Nú er úrslitakeppnin í körfuboltanum að hefjast. Karlarnir leika á Sauðárkróki fimmtudaginn 14. mars. Annar leikurinn fer fram í Grindavík sunnudaginn 17. mars og så þriðji, ef þörf krefur, á Sauðárkróki þriðjudaginn 19. mars.

Þegar þetta er skrifað er ekki ljóst hvort konurnar mæta K.R. eða Stúdínúm í fyrstu umferð.

Járngerður hvetur alla Grindvíkinga, háa sem lága, unga sem aldna, konur og karla, til að mæta á leiki liðanna og styðja okkar fólk.